

Jannada marka Ilaah lala joogo ma jiraan wax oohin ahi. Mararka qaar dadku waxay u ooyaan Ilaah maadaama oo noloshan dhexdeeda ay murugo jirto. Laakiin Jannada dhexdeeda Ilaah waxa uu meesha ka saari doonaa oohinta oo dhan.




19

Jannada dhexdeeda dhimasho ma jirto sidoo kale. Dadka Ilaah waxa ay weligoodba la jiri doonaan Ilaah. Ma jiri doonto murugo, ma jiri doonto oohin, ma jiri doono xanuun. Ma jiri doono bukaan, qof loo baroorto, iyo aas lagasoo qayb galo. cid kasta oo Jannada joogtaa waxa ay weligeed farxad kula jiri doonaan Ilaah.




20

Intaasoo dhan waxa kasii fiican, Jannadu waxay u ahaatay innamada yaryar iyo hablaha iyo dadka waaweyn ee rumaystay Ciise Masiix inuu yahay Badbaadiyohooda iyagoo markaasna u addeecay isagoo ah Sayidkooda.



21

Jannada waxa yaalla kitaab la yidhaahdo Kitaabka Nolasha ee Wanka. Waxa ku qoran oo ka buuxa magacyada dadka. Miyaad garanaysaa cidda magacyadoodu ay halkaas ku qorantahay? Waa dadka dhammaan isku halleeyay Ciise. Magacaagu halkaas haddaba ma ku qoran yahay?




22

Janno, Guriga Ilaah ee Qurxoon




Ereyada ugu danbeeya Kitaabka Quduuska ah ee ku saabsan Jannadu waxa weeyi casuumitaan la yaab leh. "Ruuxa iyo arosadduba waxay yidhaahdaan, Kaalay. Oo kii maqlaana ha yidhaahdo, Kaalay. Oo kii harraadsanuna ha yimaado. Oo kii doonayaaba

biyaha nolasha hadiyad ahaan ha u qaato."



23

Janno, Guriga Ilaah ee Qurxoon

Qiso ka ahaatay Ereyga Ilaah, Kitaabka Quduuska ah,

waxa laga helayaa

Yooxanaa 14; 2 Korintos 5; Muujintii 4, 21, 22

"Erayadaada furniinkoodu wax buu iftiimiyaa." Sabuurka 119:130

Waxa qoray Edward Hughes
Waxa Tusaaleeyay Lazarus

Waxa tarjumay Zemendale Translation Service
Waxa dhaqan-geliyay Sarah S.

Qisada 60 ee 60

M1914.org

Bible for Children, PO Box 3, Winnipeg MB R3C 2G1 Canada

Liisan: Waxaad xaq u leedahay inaad koobiyayso ama daabacato qisadan, in alla inta aanad ka iibinaynin.

Ilaah wuxuu ogsoonyahay inaan samaynay waxyaalo xunxun, kuwaas oo uu ku magacaabo denbi. Ciqaabka denbiguna waxa weeyi dhimasho.


Ilaah si aada ayuu inoo jecelyahay waxaanu soo diray Wiilkiisa, Ciise, si uu ugu dhinto Iskutallaab korkeeda una bixiyo qaanta denbiyadeenna.

Haddaad rabo inaad kasoo laabato xad-gudubyadaada, sidan ku dhex Ilaah: Ilaahaygii weynaayow, waxaan rumaysanahay inuu Ciise u dhintay aniga aawaday isagoo haddana nool. Fadlan ii kaalay oo iga cafi denbiyadayda, si aan imika u helo nolol cusub, oo aan adiga weligaa kuula jiro. Igu caawi inaan adiga awgaa u noolaado anoo ka dhigan ilmahaaga. Aamiin. Yooxanaa 3:16

Akhri Kitaabka Quduuska ah oo maalin walba Ilaah la hadal!

Somali

Markii Ciise uu ku noolaa dhulka wuxuu xertiisa u sheegay waxyaalo ku saabsan Jannada. Waxa uu ku magacaabay "Guriga aabbahay", waxaanu sheegay inay halkaas jiraan qolal guryo badani. Waa guryo waa weyn oo qurxoon. Jannadu



waxa ay ka weyntahay oo ay ka qurux badantahay guri kasta oo ku yaalla dhulka.

1

Ciise wuxuu yidhi, "Waan tegi doonaa si aan meel idiinku sii diyaariyo. Oo haddii aan u tago inaan meel idiin sii diyaariyo, dib ayaan u soo laaban doonaa oo anigaa idin qaadan doona."



2

Ciise wuxuu tagay jannada markuu dhimashada ka sarakacay dabadeed. Xertiisii iyaga oo daawanaya ayaa Ciise sare loo qaaday, waxaana iyaga araggooda ka qarisyay daruur.




3

Ilaa markaas kadib, Masiixiyiintu waxa ay xasuustaan ballanqaadkii Ciise ee ahaa inuu soo laaban doono oo qaadan doono iyaga. Ciise wuxuu sheegay inuu si kedis ah u iman doono, wakhti ay kuwo tiro yari filayaan imaatinkiisa.




4

Laakiin waa sidee xaaladda Masiixiyiinta dhintay soo noqoshadiisa ka hor? Kitaabka Quduuska ahi wuxuu leeyahay kuwaasi waxay si toosa ugu tegi doonaan Ciise. In jidhka ay ka maqnaadaani waxa weeyi inay Sayidka la joogaan.




5

Muujintii, oo ah Kitaabka uugu danbeeya Kitaabka Quduuska ahi, wuxuu inoo sheegayaa sida Jannadu cajiibka u leedahay. Waxa uugu la yaabka badanina waa iyadoo Jannadu ay tahay guriga Ilaah. Ilaah waxa uu joogaa meel kasta, laakiin carshigiisu wuxuu ku yaallaa Jannada.



6

Malaa'igaha iyo makhluuqaadka kale waxay Ilaah ku caabudaan Jannada. Sidoo kale, dhammaanba dadka Ilaah ee dhintay ee jannada tegayna sidaas ayay yeelayaan. Waxay Ilaah uugu heesayaan qasiidooyin Ilaah ammaan ah.



7

Qasiido ka mida kuwa ay ku heesayaan waxay leedahay sidan: ADIGU WAXAAD ISTAAHISHAA INAAD KITAABKA QAADATO OO AAD SHAABADIHIISA FURTO; ...




8

... WAAYO, WAA LAGU GOWRACAY, OO WAXAAD ILAAH DHIIGGAAGA UGU SOO IIBISAY DAD AH QABIIL KASTA IYO AF KASTA IYO DAD KASTA IYO QURUUN KASTA. (Muujintii 5:9).




9

Bogagga uugu danbeeya Kitaabka Quduuska ahi waxa ay Jannada ku tilmaamayaan "Yerusaalementa Cusub." Waxa weeyi mid aad iyo aad u weyn, oo gidaar sarreeya ku leh dibadda.



10

Dhagxaan qiimehoodu qaali yahay ayaa asaas u ah gidaarkan, waxaanay bixinayaan midabbo kala duwan oo indhaha soo jiidanaya. Mid kasta oo ka mida albaabada magaaladu waxa uu ka samaysan yahay luul aad u weyn!



11

Albaabadaas waaweyn ee luulka ka samaysan weligood lama xidhayo. Aynu tagno oo eegno meeshaasi sida ay tahay ... WOW! Jannada gudeheeda ayaa intaas aad uugasii qurux badan.



12

Magaaladu waxa ay ka samaysan tahay dahab khaalis u ah sida muraayadda. Xitaa dariiqu waxa uu ka samaysan yahay dahab.




13

Webi qurux badan oo cad ayaa ku burqanaya biyaha nolosha ee kasoo qulqulaya carshiga Ilaah. Labada dhinac ee webiga waxa ku yaalla geedka nolosha, kaasoo hore uugu oolli jiray Beer Ceeden. Geedkani waa mid gaar ah. Waxa uu dhalaa labo iyo toban nooc oo midho kala duwan ah, bil kastana waxa uu dhalaa nooc kala duwan. Caleemaha geedka noloshuna waxa ay caafimaad u yihiin quruumaha.




14

Jannadu iftiin uugama baahna cadceedda ama dayaxa toona. Ammaanta Ilaah ay ka buuxinaysa Jannada iftiin cajiib leh. Halkaasna weligeed ma ahaan doono wax habeen ahi.



15

Xitaa xayawaanka ku nool Jannada dhexdoodu waa kuwo nooc kale ah. Wakhti kasta waxa weeyi kuwo saaxiib ah. Yeyda iyo wananku waxa ay wada daaqayaan cawska. Xitaa libaaxyada xoogga waaweyni waxay cunayaan midho dibiyada oo kale ah. Ilaah waxa uu leeyahay, "Ma waxyeellayn doonaan oo ma baabi'in doonaan waxa dhammaan ku sugan buurtayda quduuska ah."



16

Marka aynu hareeraha eegno, waxaynu arkaynaa waxyaalo ka maqan Jannada oon lagu arkaynin. Laguma maqlayo jannada dhexdeeda ereyo cadho leh. Ma jiro qof dagaallamaya ama damaaci ahi.



17

Ma jiraan beenaalayaal, kuwo dadka dila, kuwo awood gaara sheegt, iyo kuwo xumaanfalayaal ahi toona. Ma jiro Jannada dhexdeeda wax denbi ahi nooca uu doonaba ha noqdee.



18